



1.01 - Pashka. Për çfarë bëhet fjalë në të vërtetë - një fitore apo humbje!

(1.01 - Eastrer – What is it really all About)

Për Çfarë bëhet fjalë në të vërtetë - një fitore apo humbje!

(Shkrimet nga ALBB)

Shumica e njerëzve i mendojnë Pashkët vetëm si një kohë pushimi, për të festuar apo për të marrë kohë për të vizituar familjen dhe miqtë. Por Pashka është shumë më tepër se kaq dhe ka një kuptim më të madh se sa "bota" do që të pranojë. Çdo vit ne shikojmë se si publiku dhe fëmijët mashtrohen nga "Iepuri i Pashkëve" dhe nga një valë filmash "Horror", e cila po rritet vit pas viti duke mënjanuar mesazhin e vërtetë të Pashkëve: atë që Perëndia ka bërë për botën nëpërmjet Birit të Tij, Jezusit. Por prapëseprapë kjo nuk e ndryshon realitetin dhe fuqinë e kryqit.

Madje edhe nëpër kisha sot ne shohim kryqin e drurit që akoma përfaqëson Jezusin e kryqëzuar, të vdekur dhe të pafuqishëm, por kjo është shumë larg së vërtetës. Mesazhi i vërtetë i Pashkëve është se Jezusi shkoi në kryq si qengji i Perëndisë për të paguar ndëshkimin e mëkateve tona, vdiq dhe u ringjall jo si qengji i Perëndisë, por si luani i Judës, i gjithëfuqishëm si Zot i zotërve dhe si Mbret i Mbretërve dhe nga Perëndia Atë iu dha i gjithë autoriteti në qiell dhe në tokë (Mateu 28: 18-20). Ai e mundi Satanin dhe frymërat në sundimin e tij (Kol.23:15) në ferr, dhe rimori fuqinë që i ishte vjedhur njerëzimit që në fillim të kohës nëpërmjet mëkatit, në Kopshtin e Edenit.

"Kryqi" quhet "Shkëmbimi i Madh", ku ne shkëmbejmë mëkatet tona për drejtësinë e Tij duke besuar se Jezusi e ka paguar ndëshkimin tonë me vdekje, u ringjall përsëri nga të vdekurit, si dhe kur e rrëfejmë Atë si Zot. Kjo duhet të bëhet me zemrën dhe gojën tënde dhe nuk mund të bëhet me mendjen tënde (Rom. 10: 9-10), as me veprat e tua të mira (Efes.2: 8-10, Gal.2:16), as duke qenë i lindur në një familje të krishterë, as thjesht duke qenë i mirë, as duke pasur prindërit pastorë, as duke shërbyer apo shkuar në kishë çdo të dielë dhe as në ndonjë mënyrë apo fe tjetër (1 Tim.2:5). Vetëm nëpërmjet një vendimi nëpërmjet Jezu Krishtit me anë të BESIMIT (Veprat 16:31)!

Mesazhi është shumë i qartë, nëse dikush e beson apo jo (Heb.9:27), ata do të përballen me gjykimin, sepse çdo njeri ka mëkatuar (Rom.3:23) dhe dënimi për mëkatin është vdekja (Rom.6:23) ose ndarja e përjetshme nga Perëndia në ferr (Gjoni 3:16). Nuk ka një vend të mesëm. Ose parajsë ose ferr. Zgjidh. Por Perëndia, në mëshirën dhe hirin e Tij, ka krijuar një rrugë për t'u kthyer në marrëdhënien me Të nëpërmjet veprës së Kryqit (Gjoni 3: 16-17).

Mesazhi është shumë i thjeshtë - Duhet të lindësh përsëri për të hyrë në parajsë (Gjoni 3:3) nuk ka asnjë mënyrë tjetër (Gjoni 11:25-26, Gjoni 14:6-7, Veprat 4:12) dhe ky vendim duhet bërë ndërsa njeriu ende jeton në tokë, në këtë anë të përjetësisë. Nëse dikush vdes (vdekja fizike) ky vendim nuk mund të merret më dhe rezultati është ferri në përjetësi (zgjedhje e bërë)! - zgjedhja është e jotja (Lip.30:19). Ku do të kalosh përjetësinë, në parajsë apo ferr? Dhe kë do të kesh si Zot dhe do t'i shërbesh në përjetësi, Perëndisë ose satanit?

Por për të kuptuar se çfarë është Pashka me të vërtetë, le të hedhim një vështrim në fillim: Adami, Eva dhe Kopshti i Edenit.

1. Perëndia krijoi.

Zanafilla 1: 1-3

1 "Në fillim Përendia krijoi qiellin dhe tokën".

2. Perëndia krijoi njerëzimin.

Zan.1: 26-31

²⁶Pastaj Perëndia tha: **Ta bëjmë njeriun sipas shëmbëlltyrës sonë, dhe në ngjasim me ne; dhe të ushtrojë sundimin e tij ...**²⁸Dhe Perëndia i bekoi; dhe Perëndia u tha atyre: **"Jini të frytshëm dhe shumëzohuni, mbushni tokën dhe e nënshtroni, e sundoni mbi peshqit e detit, mbi zogjtë e qiellit dhe mbi çdo qenie që lëviz mbi tokë".**



1.01 - Pashka. Për çfarë bëhet fjalë në të vërtetë - një fitore apo humbje!

- Njerëzimi në imazhin e Tij (njeriu duhet të veprojë me fjalë dhe besim).
- Perëndia ia **delegoi autoritetin e Tij njerëzimit**.
- Njerëzimit iu **dha zotërimi** dhe sundimi mbi gjithë tokën.
- Mbi mbretërinë e kafshëve.
- Duke i dhënë njeriut çdo farë dhe bimë.
- Njerëzimi gjithashtu kishte sundimin përmes **fjalës** dhe **besimit**.
- **Sistemi nuk ndryshoi kurrë, as edhe sot.**
- Njerëzimi ka sundim në 3 botëra: frymë, shpirt, trup.
- Njerëzimi ka sundim në botën frymërore dhe natyrore.

3. Rënia e njeriut

Zan.2: 8, 15-17 (Jeta në kopshtin e Perëndisë)

⁸ Pastaj Zoti Perëndi mbolli një kopsht në Eden, në lindje, dhe vendosi në të njeriun që kishte formuar.

¹⁵ Zoti Perëndi e mori pra njeriun dhe e futi në kopshtin e Edenit, me qëllim që ta punonte dhe ta ruante. ¹⁶ Dhe Zoti Perëndi e urdhëroi njeriun duke i thënë: "Ha bile lirisht nga çdo pemë e kopshtit; **por mos ha nga pema e njohjes të së mirës dhe të së keqes, sepse ditën që do të hash prej saj ke për të vdekur me siguri**".

Zan.3:6

⁶ Dhe gruaja pa që pema ishte e mirë për t'u ngrënë, që ishte e këndshme për sytë dhe që pema ishte e dëshirueshme për ta bërë të zgjuar dikë; dhe ajo mori nga fruta e saj, e hëngri **dhe i dha edhe burrit të saj që ishte me të, dhe hëngri edhe ai.**

Zan.3: 9-11

⁹ Atëherë Zoti Perëndi thirri njeriun dhe i tha: "Ku je?" ¹⁰ Ai u përgjigj: "Dëgjova zërin tënd në kopsht **dhe pata frikë** sepse isha lakuriq dhe u fsheha". ¹¹ Dhe Perëndia i tha: "Kush të tregoi se ishe lakuriq? Mos vallë ke ngrënë nga pema që unë të kisha urdhëruar të mos haje?"

1 Tim.2:14

¹⁴ **Dhe nuk u gënjeje Adami, por gruaja u gënjeje dhe ra në shkelje.**

- Njerëzimi ra në mëkat nëpërmjet mosbindjes.
- Njerëzimi humbi zotërimin dhe sundimin mbi tokën.
- **Frika dhe vdekja** hyri në kopsht (Zan.3: 9-11) dhe **ligji i Frymës së Jezu Krishtit** u zëvendësua nga **ligji i mëkatit dhe i vdekjes - (Malkimi)**. Rom.5:12, 17-21; 8: 1-2)
- Njerëzimi ra nga jeta **në vdekje, si** frymërisht ashtu edhe fizikisht.
- Adami u bë njeriu i parë që u "lind përsëri" nga jeta në vdekje.
- Adami jetoi 930 vjet. (Zan.5:5)

4. Sundimi i satanit

Luka 4: 6-8 (Satani që flet me Jezusin)

⁶ Dhe djalli i tha: "'Unë do të të jap gjithë pushtetin e këtyre mbretërive dhe lavdinë e tyre; **sepse m'u dha mua në dorë, dhe unë ia jap kujt të dua.**' ⁷ Në qoftë se ti, pra, duke rënë përmbys, më adhuron, do të jetë krejt jotja". ⁸ Dhe Jezusi duke u përgjigjur, i tha: "Shporru prej meje, o Satan! Sepse është shkruar: "Adhuro Zotin, Perëndinë tënd, dhe shërbeji vetëm atij".



1.01 - Pashka. Për çfarë bëhet fjalë në të vërtetë - një fitore apo humbje!

- Autoriteti që i ishte dhënë njeriut iu transferua satanit (njerkut frymëror) nëpërmjet mëkatit.
- Jezusi u tundua nga satani, i cili i ofroi të gjithë fuqinë ose autoritetin që ai kishte fuqinë për t'i dhënë!
- Jezusi iu përgjigj me fjalën satanit, në vend që të reagoonte ndaj asaj që satani tha. **Jezusi e kaloi testin në të cilin Adami i parë dështoi.**
- Satani quhet edhe "zot" i këtij sistemi botëror të rënë, por ai është vetëm një engjëll i rënë. (2 Kor.4:4)
- Me anë të mëkatit, mallkimi hyri në krijimin e Zotit duke përfshirë sëmundjet, lëngatat, varfërinë, mungesën, borxhin, mallkimin etj.
(LiP.28: 15-68, Rom.5:12)

5. Plani i Perëndisë për Shpëtimin

Plani i tij i shpëtimit të njeriut nëpërmjet Jezusit, Birit të Tij (FARA)

Zan.3:15 - (Perëndia duke folur me Satanin!)

¹⁵ Dhe unë do të shtie armiqësi midis teje dhe gruas, midis farës sate dhe farës së saj; fara e saj do të shtypë kokën tënde, dhe ti do të plagosësh thembrën e farës së saj".- (Në kryq)

Fara jote = Familja e satanit (Gjoni 8:44; Veprat 13:10; 1 Gjoni 3: 8)

Fara e saj Familja e Perëndisë (Isa.07:14; Lluka 1: 31, 34-35)

ajo = Jezusi (FARA) (Rom.16:20)

- Perëndia foli me anë të Profetëve të Tij gjatë 4,000 vjetësh, që dikush do të vijë, Mesia - Ai foli **Fjalën e Tij** në tokë **Fjala, Jezusi**, u bë mish. (Gjoni 1: 1, 14)
- **njeriu** ishte figura kryesore e rënies; **njeriu** duhej të ishte figura kryesore e Shpengimit.
- Jezusi quhet si Adami i fundit. (1 Kor.15: 45-47)
- Jezusi e dinte se duhej të shkonte në kryq për të marrë ligjërisht shpengimin e njeriut dhe autoritetin që njeriu kishte humbur kur ra.
- Njeriut i është dhënë aq shumë autoritet para rënies, sa që mëkati ndikoi në të 3-ja botët që ekzistonin: **qielli, toka dhe nëntoka - çdo gjë ishte bërë e çoroditur dhe duhej pastruar.**

6. Jezusi - Sakrifica për njerëzimin.

- Jezusi u bë flijim në kryq për njeriun. (Fil. 2: 8)
- Përmes veprës në kryq, Jezusi e shkatërroi atë që kishte fuqinë e vdekjes. (Heb.2:14)
- Jezusi që nuk njihte mëkat, u bë mëkat dhe u dërgua në mënyrë të paligjshme në ferr nga Satani dhe atje Ai pagoi për mëkatet tona. (2 Kor.5:21)
- Jezusi, nëpërmjet flijimit dhe gjakut të Tij, pastroi mëkatet e njerëzve, bëri një besëlidhje të re dhe pastroi gjithçka që ishte shtrembëruar.
- Jezusi është quajtur i parëlinduri nga të vdekurit. (Kol.1:18; Zbu.1:5)
- Jezusi, i parëlinduri i **një lloji të ri njeriu**. (2 Kor.5:17)
- Jezusi bëhet i parëlinduri i shumë vëllezërve. (Rom.8:29)
- Jezusi u lartësua nga Perëndia dhe **i dha një emër mbi çdo emër**. (Fil. 2: 9-12)
- Gjithë fuqia i është dhënë Jezusit në qiell dhe në tokë. (Mat.28:18)
- Autoriteti iu dha përsëri njeriut. (Marku 16:15; Mat.28:18)



1.01 - Pashka. Për çfarë bëhet fjalë në të vërtetë - një fitore apo humbje!

7. Kush jemi ne në Krishtin Jezus.

2 Kor.5:17

¹⁷ Prandaj nëse dikush është në Krishtin, ai është një krijesë e re; gjërat e vjetra kanë shkuar; ja, të gjitha gjërat u bënë të reja.

- Përmes Jezusit ti ke një trashëgimi
- Nëpërmjet Jezusit ne jemi ulur në vende qiellore
- Nëpërmjet Jezusit ne jemi bërë trupi i Tij. (Ef.1: 20-23)
- Ti je fitimtar. (1 Gjon. 5: 4-5)
- Ti je drejtësia e Perëndisë. (2 Kor.05:21; 1 Pjetrit 2:24)
- Ti je bërë mbret dhe prift. (Zbulesa 1: 5-6)
- Nëse je "rilindur", ti ke autoritetin nëpërmjet Jezusit në 3 botëra: frymërore, shpirtërore dhe natyrore.
- Ti ke autoritet mbi satanin dhe demonët e tij.
- Ti ke autoritet mbi sëmundjet dhe lëngatat.
- Ti ke autoritet mbi erën, pemët, detin, vdekjen ashtu siç kishte Jezusi.
- Jezusi të ka dhënë fuqinë dhe autoritetin e Tij. (Mat.28:18)
- Jezusi të ka dhënë fuqinë dhe autoritetin e tij për të shkuar në botë. (Marku 16:15-18)

8. Lutja për shpëtim

Rom. 10: 9-10

⁹ sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh. ¹⁰ Sepse me zemër, njeriu beson në drejtësi dhe me gojë bëhet rrëfim për shpëtim.

"At' Qiellor, unë vij në emër të Jezu Krishtit dhe pranoj se jam një mëkatar. Pendohem për mëkatet e mia dhe heq dorë nga djalli dhe të gjitha veprat e tij. Unë besoj se Jezusi është Biri yt dhe se Ai vdiq për mua në kryq. Unë e besoj se Ai ishte zëvendësuesi im, se u varros dhe u ringjall dhe tani është në të djathtën tënde. Unë të pranoj ty, Zot Jezus, si Zotin dhe Shpëtimtarin tim. Unë marr faljen e mëkatit dhe shërimin për trupin tim. Unë e di se tani jam i falur, i shëruar, i çliruar dhe i rilindur nga Fryma Jote. E vjetra ka kaluar dhe të gjitha gjërat janë bërë të reja! Në emrin e Jezusit, Amen".

Si besimtar në Krishtin Jezus, ti je një krijesë e re dhe ke autoritet si besimtar nëpërmjet dhe në Krishtin Jezus. Ushroje atë tani, çdo ditë, si një stil jetel!

JEZUSI ËSHTË ZOT!